

ЎЗБЕКИСТОН РЕСПУБЛИКАСИ
ПРЕЗИДЕНТИНИНГ
ҚАРОРИ



ПОСТАНОВЛЕНИЕ
ПРЕЗИДЕНТА
РЕСПУБЛИКИ УЗБЕКИСТАН

2018 йил “27” декабрь

№ПК-4087

“ ” 20 г.

**Пахта хом ашёсини етиштиришда томчилатиб сугориш
технологияларидан кенг фойдаланиш учун қулай шарт-шароитлар
яратишга оид кечиктириб бўлмайдиган чора-тадбирлар тўғрисида**

Сўнгги йилларда мамлакатимизда сугориладиган ерларнинг мелиоратив ҳолатини яхшилаш ва сув ресурсларидан фойдаланиш самарадорлигини ошириш бўйича чоралар кўрилди.

2008–2017 йиллар мобайнида Давлат бюджетидан 2 172,8 км ирригация тизимлари, 368,8 км лотокли сугориш тармоқлари, 347 дона гидротехник иншоотлар, шунингдек, 83,7 куб м/сек умумий сув узатиш ҳажмига эга бўлган насос станциялари, умумий ҳажми 1 581,3 млн куб/м бўлган сув омборлари ва бошқа объектларни қуриш ва реконструкция қилиш учун 3,2 трлн сўмдан ортиқ маблағ ажратилди, бунинг натижасида 1,7 млн гектардан ортиқ сугориладиган майдонларнинг сув таъминотини яхшилашга эришилди.

Бундан ташқари, ушбу давр ичида мелиорация объектларини қуриш, реконструкция қилиш ва таъмирлаш ишларига 2,5 трлн сўм ажратилиб, 2,5 млн гектар сугориладиган майдонларнинг мелиоратив ҳолати яхшиланишига, ер ости сувларининг барқарорлиги таъминланишига ва меъёрда ушлаб турилишига эришилди.

Шу билан бирга, ишларнинг ҳақиқий ҳолати таҳлили қишлоқ хўжалигига, айниқса, пахта хом ашёсини етиштиришда илмий асосланган агротехника тадбирларини амалга ошириш ва сугоришнинг сувни тежайдиган технологияларини жорий этишда жиддий қолоқликларга йўл қўйилаётганлигидан далолат бермоқда, хусусан:

биринчидан, томчилатиб сугориш технологияларини жорий этиш, мазкур технологияларни қўллаётган пахта хом ашёсининг ишлаб чиқарувчиларини, шунингдек, томчилатиб сугориш тизимлари ва ушбу тизимларни бутловчи қисмлар билан таъминловчи маҳаллий ишлаб чиқарувчиларни давлат томонидан қўллаб-куватлашнинг самарали механизmlари мавжуд эмас;

иккинчидан, юқори ҳосилдорликка, табиий ва меҳнат ресурсларидан самарали фойдаланишга эришишни таъминлайдиган, республиканинг тупроқ-иқлим ва бошқа шароитларни ҳисобга олган ҳолда ишлаб чиқилган томчилатиб сугориш технологиясини жорий қилишнинг илмий асосланган агротехника қоидалари мавжуд эмас;

учинчидан, замонавий томчилатиб сугориш тизимлари ва уларнинг бутловчи қисмларини ишлаб чиқариш, лойиҳалаш ва қуриш, пахта хом ашёсини етиширишда маҳсулот сифатини назорат қилиш масалалари эътибордан четда қолмоқда;

тўртинчидан, томчилатиб сугориш тизимидан фойдаланган ҳолда етиширишга мўлжалланган навларни яратиш мақсадида қишлоқ хўжалиги экинларининг, айниқса ғўзанинг маҳаллий навлари селекцияси соҳасида илмий изланишларни жадаллаштиришга кучли зарурат мавжуд;

бешинчидан, қишлоқ хўжалиги маҳсулотларини ишлаб чиқаришда томчилатиб сугориш технологиясини жорий қилиш учун зарур бўлган қишлоқ хўжалиги техникаси, машина ва механизмларини ишлаб чиқариш йўлга кўйилмаган;

олтинчидан, сугоришнинг сувни тежайдиган замонавий технологияларидан фойдаланиш ва илмий асосланган агротехника қоидаларини, шунингдек, илгор хорижий тажриба ва ноу-хауларни амалиётга жорий қилиш бўйича кадрларни тайёрлаш, қайта тайёрлаш ва малакасини ошириш тизимлари замонавий талабларга жавоб бермайди.

Сув ресурсларидан оқилона ва тежамли фойдаланиш, сугориладиган ерларнинг мелиоратив ҳолатини янада яхшилаш, қишлоқ хўжалиги экинларининг, айниқса ғўза ҳосилдорлигини ошириш, шу асосда қишлоқ хўжалиги ишлаб чиқаришининг барқарор фаолият юритишини таъминлаш мақсадида:

1. Қуйидагилар ғўза етиширишда томчилатиб сугориш тизимини жорий қилишни янада кенгайтиришнинг устувор йўналишлари этиб белгилансин:

ғўза етиширишда томчилатиб сугориш технологияларидан фойдаланиш бўйича лойиҳаларни амалга ошираётган пахта хом ашёси ишлаб чиқарувчиларини давлат томонидан қўллаб-куватлашнинг таъсирчан тизимини жорий этиш, томчилатиб сугориш тизимлари ва уларнинг бутловчи қисмларини ишлаб чиқарувчиларни рафбатлантириш механизмини такомиллаштириш;

мавжуд сув ресурсларидан самарали фойдаланиш, томчилатиб сугориш йўли билан ғўза етишириш соҳасидаги инновацион ғоялар, илмий-тадқиқот ишланмалари, замонавий технологиялар ва илмий ютуқларни кенг жорий этиш;

республика худудларининг тупроқ-икклим ва бошқа шароитларини хисобга олган ҳолда томчилатиб сугориш технологияларини қўллаш учун илмий-амалий ва услубий асосларини шакллантириш;

томчилатиб сугориш технологияларини қўллаган ҳолда пахта етиширишда фойдаланиладиган қишлоқ хўжалиги техникаси, машина ва механизмларни, шунингдек, минерал ўғитлар ишлаб чиқаришни йўлга қўйиш;

сугоришнинг сувни тежайдиган технологияларини жорий этиш ва ундан фойдаланиш бўйича мутахассис кадрларни тайёрлаш, қайта тайёрлаш ва малакасини оширишни ташкил этиш;

2. 2018 йилда “Иштихон Нурли Давр” (Иштихон тумани) ва “Мароқанд Кластер” (Нарпай тумани) фермер хўжаликлари ҳамда “PengSheng” ўзбек-хитой қўшма корхонаси (Сирдарё тумани) томонидан 200 гектардан ортиқ майдонда томчилатиб сугориш тизимини жорий этиш бўйича лойиҳалар амалга оширилган бўлиб, бу усул ушбу майдонларда сувни икки баробар тежаш билан бирга, ҳар гектардан 40–45 центнергача, республика бўйича ўртacha ҳосилдорликдан 1,5–1,7 марта юқори кўрсаткичга эришиш имконини берганлиги маълумот учун қабул қилинсин.

3. Томчилатиб суғориш технологиясини жорий қилган пахта хом ашёси ишлаб чиқарувчилар, шунингдек, томчилатиб суғориш тизимлари ва уларнинг бутловчи қисмларини ишлаб чиқарувчиларни давлат томонидан кўллаб-куватлашнинг шундай тартиби белгилансинки, унга мувофиқ:

а) Ўзбекистон Республикаси Давлат бюджети маблағлари ҳисобидан пахта хом ашёси ишлаб чиқарувчиларига томчилатиб суғориш технологияларини жорий қилиш учун пахта хом ашёси экиладиган майдоннинг ҳар бир гектарига 8 млн сўм субсидия тақдим этилади;

б) Ўзбекистон Республикаси Вазирлар Маҳкамаси ҳузуридаги Тадбиркорлик фаолиятини ривожлантиришни кўллаб-куватлаш давлат жамғармаси маблағлари ҳисобидан пахта хом ашёси ишлаб чиқарувчиларига томчилатиб суғориш тизимларини қуриш, реконструкция қилиш ва уларнинг бутловчи қисмларини сотиб олиш учун ажратиладиган кредитлар бўйича фоиз харажатлари тижорат банклари томонидан белгиланган фоиз ставкасидан бир гектарга 20 млн сўмдан ошмайдиган қисмининг 10 фоизли пункти микдорида қопланади;

в) бюджет маблағларини олувчилар билан тузиладиган импорт шартномаларини экспертизадан ўтказиш ва рўйхатга олиш талаби пахта хом ашёси ишлаб чиқарувчилари томонидан томчилатиб суғориш технологиясини жорий этиш бўйича ишлар доирасида тузиладиган импорт шартномаларига татбиқ этилмайди;

г) пахта хом ашёсининг маҳаллий ишлаб чиқарувчилари, шунингдек томчилатиб суғориш тизими ишлаб чиқарувчилари томонидан олиб кириладиган, томчилатиб суғориш технологиясини жорий этиш учун зарур бўлган бутловчи қисмлар ва хом ашё 2021 йилнинг 1 январига қадар 1-иловадаги рўйхатга мувофиқ божхона божини тўлашдан озод этилади;

4. Ўзбекистон Республикаси Вазирлар Маҳкамасининг сувни тежайдиган суғориш технологияларини жорий этишга қўмаклашувчи ишчи гуруҳларни (кейинги ўринларда – ишчи гуруҳлар) 2-иловага мувофиқ намунавий таркибда ташкил этиш тўғрисидаги таклифига розилик берилсин.

Белгилансинки:

а) ишчи гуруҳларнинг асосий вазифалари қуйидагилар ҳисобланади:

томчилатиб суғориш технологиясини жадал ва тўлиқ жорий этишда пахта хом ашёси ишлаб чиқарувчиларига хукуқий ва ташкилий-техник ёрдам кўрсатиш;

томчилатиб суғориш технологияларини жорий этадиган пахта хом ашёси ишлаб чиқарувчиларига сервис ташкилотлари ҳамда томчилатиб суғориш тизимини ишлаб чиқарувчилар томонидан сифатли сервис хизмат кўрсатилишини ташкил этишни таъминлаш;

пахта хом ашёси ишлаб чиқарувчиларига, шу жумладан томчилатиб суғориш тизимларини қуриш бўйича намунавий лойиҳаларни тақдим этиш орқали суғоришнинг сувни тежайдиган технологияларини жорий этиш услубларини ўзлаштиришда амалий ёрдам кўрсатиш;

бюрократик тўсиқларни бартараф этиш, шунингдек, пахта хом ашёси ишлаб чиқарувчиларига томчилатиб суғориш технологияларини жорий этиш учун кредит олишда амалий кўмаклашиш;

сувни тежайдиган суғориш технологияларнинг жорий қилинишини ва ундан фойдаланиш самарадорлигини, жумладан суғориш суви, минерал ўғитлар ва бошқа моддий-техник ресурсларни ишлатиш ҳажмларини қисқартириш кўрсаткичларининг тизимли мониторинг қилинишини ташкил этиш;

аниқланган муаммоли масалаларни ҳал этиш бўйича тезкор чоралар кўриш ва Ўзбекистон Республикаси Вазирлар Маҳкамасига ҳар ойда маълумот тақдим этиб бориш;

б) Ўзбекистон Республикаси Вазирлар Маҳкамасининг Қишлоқ ва сув хўжалиги, қишлоқ хўжалиги ва озиқ-овқат маҳсулотларини қайта ишлаш масалалари ахборот-таҳлил департаменти ишчи гуруҳлар фаолиятини мувофиқлаштирувчи (кейинги ўринларда – Мувофиқлаштирувчи) ҳисобланади;

в) Ўзбекистон Республикаси Қишлоқ хўжалиги вазирлиги Мувофиқлаштирувчининг ишчи органи ҳисобланади;

г) Қорақалпоғистон Республикаси Қишлоқ хўжалиги вазирлиги ва вилоятлар қишлоқ хўжалиги бошқармалари ишчи гуруҳларнинг ишчи органлари ҳисобланади.

Белгилансинки, ишчи гуруҳлар Ўзбекистон Республикаси Президентининг 2018 йил 11 сентябрдаги “Худудларда тадбиркорлик ташабbusлари ва лойиҳаларини жадал амалга оширишни ташкил этиш чора-тадбирлари тўғрисида”ги ПҚ-3939-сон қарорига мувофиқ ташкил этилган тадбиркорликни қўллаб-қувватлаш ва ривожлантириш бўйича худудий гуруҳлар билан яқин ҳамкорликда фаолият юритади.

5. 2019–2020 йилларда пахта хом ашёсини етиштиришда томчилатиб суғориш технологиясини жорий этиш бўйича “Йўл харитаси” З-иловага мувофиқ тасдиқлансан.

6. Мувофиқлаштирувчи:

а) бир ҳафта муддатда ишчи гуруҳлар таркибини тасдиқласин;

б) пахта хом ашёси ишлаб чиқарувчиларига томчилатиб суғориш технологиясини жорий қилиш билан боғлиқ ташкилий-техник масалаларни ҳал этишда ҳар томонлама ёрдам кўрсатиш бўйича вазирликлар, идоралар ва маҳаллий ҳокимият органларининг мувофиқлаштирилган ҳолда фаолият юритишини таъминласин;

в) томчилатиб суғориш технологияларини жорий этиш бўйича амалга оширилган ишлар юзасидан ишчи гуруҳлар раҳбарларининг ҳисботларини ҳар ойда эшлитиб борилишини таъминласин;

г) томчилатиб суғориш технологиясини жорий этиш лойиҳаларини амалга ошириш тўғрисидаги ахборотни ҳар чоракда Ўзбекистон Республикаси Президенти Администрациясига тақдим этиб борсин;

д) 2019 йил 1 ноябрга қадар:

ушбу қарорда назарда тутилган томчилатиб суғориш технологиясини жорий этишни рағбатлантириш ва қўллаб-қувватлаш чора-тадбирларини қишлоқ хўжалиги экинларининг бошқа турларини ишлаб чиқарувчиларга ҳам татбиқ этиш;

2020 йил ва келгуси йилларда томчилатиб суғориш технологиясини жорий этиш тавсия этиладиган майдонлар, шунингдек, уларнинг аниқ рўйхати бўйича таклифларни Ўзбекистон Республикаси Президенти Администрациясига киритсин.

7. Ўзбекистон Республикаси Молия вазирлиги Қишлоқ хўжалиги вазирлиги билан биргаликда:

бир ой муддатда пахта хом ашёси ишлаб чиқарувчиларининг томчилатиб суғориш технологиясини жорий қилиш билан боғлик харажатларини қоплаб бериш тартибини ишлаб чиқсан ва Ўзбекистон Республикаси Вазирлар Маҳкамасига киритсин;

2019 йилда пахта хом ашёсини ишлаб чиқарувчиларининг томчилатиб суғориш технологиясини жорий қилиш билан боғлик, шунингдек, тижорат банкларининг кредитлари бўйича фоизларини қоплаш харажатлари учун 120 млрд сўм ажратилишини таъминласин;

2020 йилдан бошлаб Ўзбекистон Республикаси Давлат бюджети параметрларини шакллантиришда пахта хом ашёси ишлаб чиқарувчиларининг томчилатиб суғориш технологиясини жорий қилиш билан боғлик харажатларини қоплаш учун зарур маблағларни назарда тутсин.

8. Ўзбекистон фермер, деҳқон хўжаликлари ва томорқа ер эгалари кенгаши “Ўзтўқимачиликсаноат” уюшмаси ҳамда Қорақалпоғистон Республикаси Вазирлар Кенгаши ва вилоят ҳокимларини билан биргаликда бир ой муддатда 2019–2020 йилларда мазкур қарорда назарда тутилган шартларда пахта хом ашёси ишлаб чиқаришда томчилатиб суғориш тизимини жорий этиш бўйича лойиҳаларни амалга ошириш истагини билдирган пахта хом ашёси ишлаб чиқарувчиларининг аниқ рўйхатини шакллантирсин.

9. Ўзбекистон Республикаси Вазирлар Маҳкамаси Қашқадарё вилояти ҳокимлиги, Сув хўжалиги вазирлиги, “Ўзбекнефтгаз” АЖ ва “Ўзкимёсаноат” АЖ билан биргаликда икки ой муддатда “Oltin Yo‘l GTL” қўшма корхонаси ва “Шўртан ГКК” МЧЖ томонидан ишлаб чиқариладиган полимер хом ашёси базасида томчилатиб суғориш тизимларини (трубалар, шланглар, фитинглар, сув сақлаш сифимлари, сув етказиб бериш ускуналари ва бошқалар) ишлаб чиқариш бўйича мавжуд қувватларни таҳлил қилиш асосида иқтисодий самарадорликдан келиб чиқиб, Қашқадарё вилоятида томчилатиб суғориш тизимлари ва уларнинг бутловчи қисмларини ишлаб чиқарувчи янги корхона ташкил этиш юзасидан Ўзбекистон Республикаси Президенти Администрациясига аниқ таклифлар киритсин.

10. Ўзбекистон Республикаси Олий ва ўрта маҳсус таълим вазирлиги ҳамда Сув хўжалиги вазирлиги масъул вазирлик ва идоралар билан биргаликда:

а) 2019/2020 ўкув йилидан бошлаб ихтисослаштирилган олий ўкув юртларининг тегишли таълим йўналишларида:

талабаларнинг тегишли амалиёт даврида сувни тежайдиган тизимларни куриш ва фойдаланиш жараёни билан бевосита таништириб боришни назарда тутувчи суғоришда сувни тежайдиган технологияларни чукур ўрганишларини;

профессор-ўқитувчилар таркибининг етакчи маҳаллий ҳамда чет эл таълим ва илмий-тадқиқот институтларида суғоришда сувни тежайдиган технологиялардан фойдаланиш бўйича стажировка ўташини ташкил қилсин;

б) 2019 йил 1 марта қадар қишлоқ хўжалиги ишлаб чиқарувчиларини жойларга чиқсан ҳолда қисқа муддатли курслар шаклида суғоришнинг сувни тежайдиган тизимларидан фойдаланишга ўқитиш бўйича дастурларни ишлаб чиқсин ва Вазирлар Маҳкамасига киритсин.

11. Ўзбекистон Республикаси Фанлар академияси Сув хўжалиги вазирлиги ва Қишлоқ хўжалиги вазирлиги билан биргаликда маҳаллий ва жаҳон илм-фани ва амалиётининг энг яхши ютуқларидан самарали фойдаланган ҳолда 2019–2020 йилларда томчилатиб суғориш учун мослаштирилган илдиз тизимиға эга пахта навларини етиштириш агротехнологиясини яратиш соҳасида илмий тадқиқотлар олиб борсин.

12. Куйидагиларга:

Ўзбекистон Республикаси сув хўжалиги вазири Ш.Р.Хамраев зиммасига – худудларнинг ўзига хослигини ҳисобга олган ҳолда, томчилатиб суғориш тизимларини қуриш бўйича намунавий лойиҳаларни ишлаб чиқиши, шунингдек, томчилатиб суғориш тизимларини қуриш ва сервис хизмат кўрсатиш бўйича пудрат гурухлари ташкил этилишини таъминлаш;

Ўзбекистон Республикаси қишлоқ хўжалиги вазири Б.Т.Юсупов зиммасига – худудларнинг тупроқ-иқлим шароитидан келиб чиқиби, томчилатиб суғориш тизимларидан фойдаланган ҳолда пахта хом ашёсини ишлаб чиқариш ва машиналар ёрдамида йигиб олиш технологик хариталарини ишлаб чиқиши ва тасдиқлаш;

Қорақалпоғистон Республикаси Вазирлар Кенгаши раиси ва вилоятлар ҳокимлари зиммасига – холислик ва шаффоффлик тамойилларига асосланган ҳолда сувни тежайдиган технологияларни жорий этиш бўйича олиб борилаётган ишларнинг самарадорлиги юзасидан жавобгарлик юклансин.

13. Ўзбекистон Миллий телерадиокомпанияси, Ўзбекистон Миллий ахборот агентлиги, Ўзбекистон матбуот ва ахборот агентлиги, “Дунё” ахборот агентлигига ушбу қарорнинг мазмун-моҳиятини, шунингдек, 2019 йилда пахта хом ашёсини ишлаб чиқаришда томчилатиб суғориш технологиясини жорий этиш жараёни ва натижаларини кенг ёритиш тавсия этилсин.

14. Сув хўжалиги вазирлиги Адлия вазирлиги ва бошқа манфаатдор вазирликлар ва идоралар билан биргаликда икки ой муддатда қонун хужжатларига ушбу қарордан келиб чиқадиган ўзгартириш ва қўшимчалар тўғрисида Ўзбекистон Республикаси Вазирлар Маҳкамасига таклифлар киритсин.

15. Мазкур қарорнинг ижросини назорат қилиш Ўзбекистон Республикасининг Бош вазири А.Н. Арипов, Ўзбекистон Республикаси Президенти Администрацияси раҳбари З.Ш. Низомиддинов ва Ўзбекистон Республикаси Бош прокурори О.Б. Муродов зиммасига юклансин.

Ўзбекистон Республикаси
Президенти

Тошкент шаҳри



Ш. Мирзиёев

Ўзбекистон Республикаси Президентининг
2018 йил “27” декабрдаги ПҚ-4087-сон қарорига
1-илова

**2021 йилнинг 1 январига қадар божхона божларини тўлашдан озод
этиладиган айрим турдаги бутловчи қисмлар ва хом ашёлар
РЎЙХАТИ**

№	Товарлар номи	ТИФ ТН коди
1.	Томчилатиб сугориш тизими учун қувур ва шланглар ишлаб чиқариш учун пигмент ва препаратлар	3206 19 000 0
2.	Томчилатиб сугориш тизими учун ПВХ қувурлар	3917 23 900 0
3.	Сугориш учун томчилатиш трубкаси, томчилатиб сугориш тизими учун эгилувчан қувурлар	3917 32 000 9
4.	Томчилатиб сугориш тизимини улаш учун фурнитура ва фитинглар	3917 40 000 0

Ўзбекистон Республикаси Президентининг
2018 йил “27”декабрдаги ПҚ-4087-сон карорига
2-илова

**Сувни тежайдиган сұғориши технологияларини жорий
этишга құмаклашувчи ишчи гурұхларнинг
НАМУНАВИЙ ТАРКИБИ**

1. Қорақалпоғистон Республикаси Вазирлар Кенгаши раиси, вилоят ҳокими, *ишчи гурұх рахбари*
2. Қорақалпоғистон Республикаси Вазирлар Кенгаши раисининг, вилоят ҳокимининг қишлоқ ва сув хўжалиги масалалари бўйича ўринbosари, *ишчи гурӯҳ рахбарининг ўринbosари*
3. Ўзбекистон Республикаси Бош прокуратураси ҳузуридаги Агросаноат мажмуи ва озиқ-овқат хавфсизлиги таъминланиши устидан назорат қилиш инспекциясининг ҳудудий бошқармаси бошлиғи
4. Қорақалпоғистон Республикаси қишлоқ хўжалиги вазири, вилоят қишлоқ хўжалиги бошқармаси бошлиғи
5. Қорақалпоғистон Республикаси сув хўжалиги вазири, ирригация тизимлари ҳавза бошқармаси бошлиғи
6. Қорақалпоғистон Республикаси молия вазири, вилоят молия бошқармаси бошлиғи
7. Ер ресурслари ва давлат кадастри ҳудудий бошқарма бошлиғи
8. Ҳудудий электр тармоқлари корхонаси директори
9. “Ўзқимёсаноат” АЖ вакили
10. “Ўзтўқимачиликсаноат” уюшмаси вакили
11. Ўзбекистон фермер, дехқон хўжаликлари ва томорқа ер эгалари ҳудудий кенгаши вакили
12. Вилоят “Агробанк” АТБ бошқарувчиси

Ўзбекистон Республикаси Президентининг
2018 йил “27” декабрдаги ПҚ-4087 қарорига
3-илова

**2019-2020 йилларда пахта хом ашёсини етиштиришда томчилатиб сұғориш технологиясини жорий этиш бўйича
“Йўл харитаси”**

№	Лойиҳа номи	Ижро муддати	Масъул ижро чилиар	
			Президент Администрацияси ва Вазирлар Маҳкамаси	Вазирлик ва идоралар
1.	Халқаро молиявий институтларнинг кредит ва грант маблағларини куйидагилар учун жалб қилиш: сұғоришнинг сувни тежайдиган технологияларини жорий қилишда, шу жумладан томчилатиб сұғориш технологияси асосида пахта етиштириш учун технологик ускуналар, маҳсус қишлоқ хўжалиги техникалари, машина ва механизмларини харид қилиш; маҳаллий ва хорижий илмий-тадқиқот муассасалари, халқаро консультантларни жалб қилган ҳолда пахта хом ашёсини ишлаб чиқарувчи ташкилот раҳбарлари ва мутахассисларини тайёрлаш, қайта тайёрлаш ҳамда малакасини ошириш ишларини ташкиллаштириш.	2019-2020 йй. 2019-2020 йй.	<i>Т. Бутунбаев – Президент Администрациясидан</i> <i>Ш. Абидов – Вазирлар Маҳкамасидан</i>	Давлат инвестиция қўмитаси (<i>С. Холмурадов</i>), Агросаноат мажмую ва озиқовқат таъминоти соҳасидаги лойиҳаларни амалга ошириш агентлиги (<i>Ш. Шоаҳмедов</i>), Сув хўжалиги вазирлиги (<i>Ш. Хамраев</i>), Кишлоқ хўжалиги вазирлиги (<i>Б. Юсупов</i>)
2.	2020 йил ривожланиш Давлат дастури доирасида тасдиқлаш учун пластик қувурлар, томчилатгичлар, фитинглар, сув тозалагичлар ва насос агрегатлари ҳамда бошқа бутловчи буюмларни ишлаб чиқаришни ташкил этиш бўйича инвестиция лойиҳаларини ишлаб чиқиши.	01.06.2019 й.	<i>Т. Бутунбаев – Президент Администрациясидан</i> <i>Ш. Абидов, Р. Гулямов, И. Махкамов, М. Расулов –</i>	Давлат инвестиция қўмитаси (<i>С. Холмурадов</i>), Иқтисодиёт вазирлиги (<i>Б.Ходжаев</i>), Сув хўжалиги вазирлиги (<i>Ш. Хамраев</i>), Агросаноат мажмую ва озиқовқат таъминоти соҳасидаги

№	Лойиҳа номи	Ижро муддати	Масъул ижрочилар	
			Президент Администрацияси ва Вазирлар Маҳкамаси	Вазирлик ва идоралар
			Вазирлар Маҳкамасидан	лойиҳаларни амалга ошириш агентлиги (Ш. Шоахмедов)
3.	Суғоришнинг сувни тежайдиган технологиялари асосида пахта хом ашёсини ишлаб чиқаришда қўлланиладиган такомиллаштирилган кишлоқ хўжалиги техникалари, машина ва механизмлар, шунингдек, пахта териш машиналарини ишлаб чиқаришни йўлга қўйиш.	2019-2020 йй.	Т. Бутунбаев – Президент Администрациясидан З. Саидов, М. Расулов, – Вазирлар Маҳкамасидан	“Ўзагротехсаноатхолдинг” АЖ (М. Каримов), Кишлоқ хўжалиги вазирлиги (Б. Юсупов), Фанлар академияси (Б. Юлдашев)
4.	Суғоришнинг сувни тежайдиган технологияларини қўллаган ҳолда пахта хом ашёсини ишлаб чиқаришда фойдаланиладиган сувда эрувчан минерал ўғитлар ишлаб чиқаришни ташкил қилиш.	2019-2020 йй.	Т. Бутунбаев – Президент Администрациясидан Б. Сидиков, М. Расулов – Вазирлар Маҳкамасидан	“Ўзкимёсаноат” АЖ (А. Абдуллаев), Фанлар академияси (Б. Юлдашев), Кишлоқ хўжалиги вазирлиги (Б. Юсупов)
5.	Томчилатиб суғориш тизимларини қуриш бўйича намунавий лойиҳаларни ишлаб чиқиш. Намунавий лойиҳалар асосида томчилатиб суғориш тизимини қуриш учун шахсий лойиҳаларни ишлаб чиқиш бўйича амалий семинарлар ташкил этиш.	01.03.2019 й. график бўйича	Т. Бутунбаев – Президент Администрациясидан Ш. Абидов, М. Расулов – Вазирлар Маҳкамасидан	Сув хўжалиги вазирлиги (Ш. Хамраев), Курилиш вазирлиги (А. Тухтаев), Инновацион ривожланиш вазирлиги (И. Абдурахмонов), Фанлар академияси (Б. Юлдашев)

№	Лойиха номи	Ижро муддати	Масъул ижрочилар	
			Президент Администрацияси ва Вазирлар Маҳкамаси	Вазирлик ва идоралар
6.	Фундаментал, амалий ҳамда инновацион тадқиқотларнинг давлат илмий-техник дастурларини шакллантиришда мамлакат ҳудудларининг тупроқ-иқлим шароитини инобатга олган ҳолда, сугоришнинг сувни тежайдиган технологияларини жорий этиш бўйича инновацион ғоялар ва замонавий технологиялар ишлаб чиқилишини назарда тутувчи илмий лойихаларни киритиш.	хар йили белгиланган муддатларда	T. Бутунбаев – Президент Администрациясидан Ш.Абидов, M. Расулов – Вазирлар Маҳкамасидан	Инновацион ривожланиш вазирлиги (И. Абдурахмонов), Фанлар академияси (Б. Юлдашев), Олий ва ўрта маҳсус таълим вазирлиги (И.Мажидов), Қишлоқ хўжалиги вазирлиги (Б.Юсупов), Сув хўжалиги вазирлиги (Ш. Хамраев)
7.	Ҳудудларнинг тупроқ-иқлим шароитидан келиб чиқсан ҳолда, томчилатиб сугориш тизимини қўллаб етишириладиган пахта хом ашёсини ишлаб чиқариш ва машина ёрдамида териб олишнинг технологик харитасини ишлаб чиқиш ва тасдиqlаш.	01.03.2019 й.	T. Бутунбаев – Президент Администрациясидан M.Расулов, Р.Гулямов – Вазирлар Маҳкамасидан	Қишлоқ хўжалиги вазирлиги (Б. Юсупов), Молия вазирлиги (A.Хайдаров), Инновацион ривожланиш вазирлиги (И. Абдурахмонов), Фанлар академияси (Б. Юлдашев), “Ўзагротехсаноатхолдинг” АЖ (M. Каримов)
8.	Қуйидаги ихтисослашган: сув хўжалиги ва бошқа қурилиш ташкилотлари, шунингдек, томчилатиб сугориш тизимларининг бутловчи буюмларини ишлаб чиқарувчилар	01.04.2019 й.	T. Бутунбаев – Президент Администрациясидан	Сув хўжалиги вазирлиги (Ш. Хамраев), Қурилиш вазирлиги (A. Тухтаев),

№	Лойиха номи	Ижро муддати	Масъул ижрочилар	
			Президент Администрацияси ва Вазирлар Маҳкамаси	Вазирлик ва идоралар
	таркибида томчилатиб сүгериш тизимини қуриш бўйича пудрат гурухларини; томчилатиб сүгериш тизимларига сервис хизматларини қўрсатувчи гурухларни ташкил этиш.	01.05.2019 й.	Ш.Абидов, M. Расулов – Вазирлар Маҳкамасидан	Инновацион ривожланиш вазирлиги (И. Абдурахмонов), Фанлар академияси (Б. Юлдашев), Қорақалпогистон Республикаси Вазирлар Кенгаши, вилоятлар ҳокимликлари
9.	Томчилатиб сүгериш тизимлари ва уларнинг бутловчи буюмларини ишлаб чиқарувчи маҳаллий корхоналар томонидан сифат менежменти тизимини жорий этишда белгиланган тартибда амалий ёрдам кўрсатиш.	доимий	T. Бутунбаев – Президент Администрациясидан З. Саидов, Р. Гулямов, M. Расулов – Вазирлар Маҳкамасидан	“Ўзстандарт” агентлиги (Д. Саттаров), Сувхўжалиги вазирлиги (Ш. Хамраев), Кишлоқ хўжалиги вазирлиги (Б. Юсупов)
10.	Томчилатиб сүгериш тизимини жорий қилиш бўйича ишчи лойиҳаларни давлат экспертизасидан ўтказишни таъминлаш.	экспертизага берилгандан сўнг икки хафта муддатда	T. Бутунбаев – Президент Администрациясидан И. Махкамов – Вазирлар Маҳкамасидан	Курилиш вазирлиги (А. Тухтаев), Қорақалпогистон Республикаси Вазирлар Кенгаши, вилоятлар ҳокимликлари

№	Лойиха номи	Ижро муддати	Масъул ижрочилар	
			Президент Администрацияси ва Вазирлар Маҳкамаси	Вазирлик ва идоралар
11.	Томчилатиб суғориш технологияси асосида пахта хом ашёсини ишлаб чиқарувчиларни пахтани етишириш даврида белгиланган тартибда кафолатли ва узлуксиз сув билан билан таъминлаш чораларини кўриш.	суғориш даврида	<i>Т. Бутунбаев – Президент Администрациясидан M. Расулов – Вазирлар Маҳкамасидан</i>	Сув хўжалиги вазирлиги (<i>Ш. Хамраев</i>), Қорақалпоғистон Республикаси Вазирлар Кенгаши, вилоятлар ҳокимликлари
12.	Томчилатиб суғориш технологияси асосида пахта хом ашёсини ишлаб чиқарувчиларни пахтани етишириш даврида белгиланган тартибда кафолатли ва узлуксиз электр энергияси билан билан таъминлаш чораларини кўриш.	суғориш даврида	<i>Т. Бутунбаев – Президент Администрациясидан Б. Сидиков – Вазирлар Маҳкамасидан</i>	“Ўзбекэнерго” АЖ (<i>P. Раймов</i>), Қорақалпоғистон Республикаси Вазирлар Кенгаши, вилоятлар ҳокимликлари
13.	Томчилатиб суғориш технологиясига мослаштирилган илдиз тизимиғ ғўза навларини етишириш агротехнологияларни ишлаб чиқиши бўйича илмий тадқиқотлар ўтказиш.	2019-2020 йй.	<i>Т. Бутунбаев – Президент Администрациясидан Ш. Абидов, M. Расулов – Вазирлар Маҳкамасидан</i>	Фанлар академияси (<i>Б. Юлдашев</i>), Сув хўжалиги вазирлиги (<i>Ш. Хамраев</i>), Қишлоқ хўжалиги вазирлиги (<i>Б. Юсупов</i>)
14.	Батафсил таҳлил ва илмий-амалий тадқиқотлар ўтказиш асосида Қорақалпоғистон Республикаси ва Хоразм вилоятларининг тупроқ-икклим шароитларини ҳисобга олган ҳолда, суғоришнинг сувни тежайдиган технологияларидан фойдаланиш	15.11.2019 й.	<i>Т. Бутунбаев – Президент Администрациясидан</i>	Фанлар академияси (<i>Б. Юлдашев</i>), Сув хўжалиги вазирлиги (<i>Ш. Хамраев</i>),

№	Лойиха номи	Ижро муддати	Масъул ижрочилар	
			Президент Администрацияси ва Вазирлар Маҳкамаси	Вазирлик ва идоралар
	самарадорлигини ошириш бўйича аниқ таклифлар ишлаб чиқиш ва Вазирлар Маҳкамасига киритиш.		<i>M. Расулов, Ш. Абидов – Вазирлар Маҳкамасидан</i>	Қишлоқ хўжалиги вазирлиги (<i>Б. Юсупов</i>), Олий ва ўрта маҳсус таълим вазирлиги (<i>И. Маджидов</i>), Қорақалпоғистон Республикаси Вазирлар Кенгаши (<i>К. Сариеев</i>), Хоразм вилоят ҳокимлиги (<i>Ф. Эрманов</i>)
15.	<p>Ихтисослаштирилган олий ўқув юртларининг тегишли бакалавриат ва магистратура йўналишларида:</p> <p>сугоришнинг сувни тежайдиган технологияларидан фойдаланишини чукурлаштирилган тарзда ўқитишни;</p> <p>сугоришнинг сувни тежайдиган тизимларини куриш ва улардан фойдаланиш жараёни билан талабаларни бевосита таништиришни назарда тутувчи малакавий амалиётларни ташкиллаштириш.</p> <p>Етакчи маҳаллий ва хорижий таълим ҳамда илмий-тадқиқот институтларида ихтисослаштирилган олий ўқув юртларининг профессор-ўқитувчилар таркиби учун сугоришда сувни тежайдиган технологиялардан фойдаланиш бўйича стажировка ўтказиш.</p>	2019/2020 ўқув йилидан бошлаб	<i>T. Бутунбаев – Президент Администрациясидан</i> <i>K. Ризаев, Ш. Абидов, M. Расулов – Вазирлар Маҳкамасидан</i>	Олий ва ўрта маҳсус таълим вазирлиги (<i>И. Маджидов</i>), Фанлар академияси (<i>Б. Юлдашев</i>), Сув хўжалиги вазирлиги (<i>Ш. Хамраев</i>), Қишлоқ хўжалиги вазирлиги (<i>Б. Юсупов</i>)

№	Лойиҳа номи	Ижро муддати	Масъул ижрочилар	
			Президент Администрацияси ва Вазирлар Маҳкамаси	Вазирлик ва идоралар
16.	Қишлоқ хўжалиги ишлаб чиқарувчиларини суғоришнинг сувни тежайдиган тизимларидан фойдаланиш бўйича жойларга чиқсан ҳолда қисқа муддатли курслар шаклида ўқитиш дастурини ишлаб чиқиш ва Вазирлар Маҳкамасига киритиш.	01.03.2019 й.	<i>Т. Бутунбаев – Президент Администрациясидан</i> <i>К. Ризаев, Ш. Абидов, М. Расулов – Вазирлар Маҳкамасидан</i>	Олий ва ўрта маҳсус таълим вазирлиги (<i>И. Маджидов</i>), Фанлар академияси (<i>Б. Юлдашев</i>), Сув хўжалиги вазирлиги (<i>Ш. Хамраев</i>), Қишлоқ хўжалиги вазирлиги (<i>Б. Юсупов</i>)
17.	Қўйидагиларни таъминлаш: 2019 йилда пахта хом ашёсини етиштиришда суғоришнинг сувни тежайдиган технологияларини жорий этиш натижаларини батафсил таҳлил қилиш; келгуси йилларда ушбу технологияларни жорий этишини кенгайтириш бўйича асосланган таклифларни тайёрлаш ва Вазирлар Маҳкамасига киритиш.	01.11.2019 й.	<i>Т. Бутунбаев – Президент Администрациясидан</i> <i>М. Расулов, Р. Гулямов, Ш. Абидов – Вазирлар Маҳкамасидан</i>	Сув хўжалиги вазирлиги (<i>Ш. Хамраев</i>), Қишлоқ хўжалиги вазирлиги (<i>Б. Юсупов</i>), Молия вазирлиги (<i>Д. Кучкаров</i>), Иқтисодиёт вазирлиги (<i>Б. Ходжаев</i>), Инновацион ривожланиш вазирлиги (<i>И. Абдурахмонов</i>), Фанлар академияси (<i>Б. Юлдашев</i>), Қорақалпоғистон Республикаси Вазирлар Кенгаши, вилоятлар ҳокимлеклари

